



PROPOSTA DE RESOLUCIÓN PROVISIONAL XUNTA DIRECTIVA

Dña. Teresa María Oujo Reino, maior de idade, con DNI número 32.815.913-L, como secretaria da asociación Grupo de Acción Local do Sector Pesqueiro (GALP) Ártabro Norte, con NIF número G-70.454.657, e domicilio social na Casa do pescador de Miño, rúa do Curro nº 33, código postal 15630, Miño, provincia de A Coruña, en virtude das competencias que teño atribuídas en virtude do artigo 22 dos Estatutos da mesma,

CERTIFICO QUE,

Que segundo se recolle na acta da reunión de Xunta Directiva celebrada o día 6 de outubro de 2021 na Casa do Pescador do Concello de Miño, no punto 1. “Relación de proxectos presentados convocatoria 2021 e aprobación por parte da Xunta Directiva para ser enviados á Consellería do Mar para resolución definitiva”, os membros da Xunta Directiva (estando presentes ou representados dos trece que conforman a Xunta Directiva) acordaron o seguinte en relación á proposta de resolución:

1. A Xunta Directiva do GALP Golfo Ártabro Norte seleccionou provisionalmente os proxectos que considerou prioritarios para a execución da súa Estratexia de Desenvolvemento Local Participativo, de conformidade cos criterios establecidos nesta, e no estipulado na *“Orde de Axudas do 3 de agosto de 2021 pola que se establecen as bases reguladoras para a concesión de axudas para proxectos ao abeiro das Estratexias de desenvolvemento local participativo (EDLP), aprobadas para os grupos de acción local do sector pesqueiro para o desenvolvemento sustentable das zonas de pesca no marco do Fondo Europeo Marítimo e de Pesca 2014-2020, e se convocan as correspondentes ao ano 2021 (código do procedemento PE155A)”*.
2. Todos os membros da Xunta Directiva asinaron antes do comezo da reunión, a declaración de ausencia de conflito de intereses, e ausentáronse da mesma, no momento da votación do proxecto, no caso da súa implicación nos mesmos.
3. Nos caso de empate nas puntuacións dos proxectos, o equipo técnico aplicou o punto 10 do artigo 23 “fase de instrución” da Orde de Axudas do 3 de agosto de 2021.
4. O 17 de agosto de 2021 publicouse unha nova orde de axudas para proxectos naqueles GALP que teñen orzamento dispoñible nos obxectivos estratéxicos do plan financeiro do Programa de axudas da EDLP.
5. Para unha correcta xestión de fondo neste ámbito territorial, e poder chegar a cumprir ao máximo o obxectivo financeiro do programa, tendo en conta o Convenio asinado coa Consellería do Mar que ten por obxecto *“establecer as condicións e obrigas que asume o GALP como entidade colaboradora da Consellería do Mar na dobre vertente de axente de desenvolvemento na aplicación da estratexia de desenvolvemento local participativa da zona pesqueira, e na xestión e control das axudas que se tramiten para o desenvolvemento da estratexia”*, a Xunta Directiva acorda que se aproben todos os proxectos produtivos e non produtivos polas contías establecidas nos anexos, tendo en conta o límite orzamentario da Consellería do Mar e na propia Estratexia de Desenvolvemento Local Participativo do Golfo Ártabro Norte.
6. Que no caso de non existir crédito orzamentario para atender todas as solicitudes aprobadas desta convocatoria 2021, a Xunta Directiva acorda que sexan incorporadas a unha lista de reserva, tendo en conta o artigo 25.7 da Orde de axudas do 3 de agosto de 2021 *“Establecerase unha listaxe de reserva con aqueles proxectos incluídos na proposta de resolución definitiva dos GALP que non poidan recibir axuda por falta de crédito, que será utilizada de non esgotarse o crédito dispoñible ou de resultar incrementado este posteriormente en virtude renuncias, de modificación de resolucións de outorgamento ou de dotacións orzamentarias adicionais ata o día que termina o prazo de presentación das solicitudes da seguinte fase”*



7. En relación ao expediente GALP2-220 “Centro municipal de emprego. Emprendemento e formación do Concello de Miño” axústase o importe subvencionado ao crédito existente no obxectivo 6 (Fomento da cooperación) da Estratexia de Desenvolvemento Local Participativo do GALP Golfo Ártabro Norte.
8. Esta proposta de revisión provisional queda condicionada á revisión por parte do equipo técnico do GALP Golfo Ártabro Norte da documentación que foi requirida aos solicitantes das axudas.
9. Esta proposta de resolución provisional de Xunta Directiva para proxectos produtivos e non produtivos da Convocatoria 2021, non crea ningún dereito a favor do solicitante proposto, estando suxeita á dispoñibilidade orzamentaria de crédito para proxectos produtivos e non produtivos para esta convocatoria 2021.
10. Outórgase un prazo de alegacións de 5 días hábiles contados dende a data da súa publicación no taboleiro de anuncios do GALP Golfo Ártabro Norte, que será o día 6 de outubro de 2021.
11. Informar que esta proposta de resolución provisional publicarase na páxina web dos Grupos de Acción Local do Sector Pesqueiro de Galicia (<https://galp.xunta.gal/>) e no blog do GALP Golfo Ártabro Norte <https://galpgolfoartabronorte.blogspot.com/>
12. Xúntase como anexo a esta resolución provisional de Xunta Directiva:
 - Anexo I. Proposta de resolución provisional Xunta Directiva para proxectos produtivos.
 - Anexo II. Proposta de resolución provisional Xunta Directiva para proxectos non produtivos.
 - Anexo III. Proposta de resolución provisional de proxectos desestimados Xunta Directiva.
13. Unha vez contestadas as alegacións (se as houbera), o GALP Golfo Ártabro Norte formulará a proposta de resolución definitiva que será publicada da mesma forma e nos mesmos lugares que a resolución provisional.

E para que conste, aos efectos oportunos

Miño, 6 de outubro de 2021

Visto e prace

Asdo.: José Manuel Fernández Lage
Presidente

Asdo.: Teresa María Oujo Reino
Secretaria